



SCOULAS SPECIALAS  
EXTERNAS

## La scuola da pedagogia curativa a Puntraschigna per l'Engiadin'Ota

La SPC Puntraschigna vegn frequentada dad uffants da l'Engiadin'Ota cun ün disturbi dal svilup o da percepziun, ün impedimaint da lingua, ün impedimaint corporal o spiertal. Ultra da la scouline e'ls 9 ons da scoula obligatorics spordscha la scoula eir la pussibilità d'üna prescouline.

La scoula creescha ün'atmosfera ed ün ambiaint, i'l qual l'uffant po as sviluppar da maniera spiertala, cognitiva, corporala ed emoziunala. Il plan da promoziun individual s'orientescha a l'uffant singul ed as drizza tenor seis bsögn, sias pussibilitats ed abiltats.

Las scolaras e'ls scolaras dessan sviluppar fiduzcha e sgürezza in sai stess. L'abiltà da relaziun cun sai stess e cun l'ambiaint vegn promovüda ed accompagnada dad experiences, inscunters e da l'agir concret e fuorma ün ulteriur accent da la lavur pedagogica.

Las localitats da la scoula spordschan la pussibilità d'integrar i'l minchadi scolastic üna structura dal di cun proviantaziun a mezdi e da fuormar uschè la promoziun da maniera complessiva ed orientada a la pratica.

### Partecipaziun illa scoula regulara a Puntraschigna

La SPC Puntraschigna s'orientescha a l'andamaint da l'on da la scoula regulara da Puntraschigna. Ün pèr scolaras e scolaras as partecipeschan cun o sainza accumpognamaint a lecziuns singulas da la classa regulara cun uffants da listessa età. Els vegnan eir inclus confuorm a lur pussibilitats illas activitats scolasticas sco dis da sport, Chalandamarz, gös da Nadal eui.

Il böt da quistas activitats cumünai vlas es l'integrasiun sociala.

### Soluziun cumbinada

Tuot tenor il stadi da svilup e'ls böts da promoziun vegnan las scolaras e'ls scolaras integrats parzialmaing illas scoulas da lur cumüns d'origen. Els frequentan las scoulas regularas cun uffants da listessa età.

### Spüerta da terapia

La terapia da logopedia e da psicomotorica vegnan spüertas internamaing. In collavuraziun cun posts specialisats externs e'ls genituors vegn arrandschà tenor necessità e bsögn üna spüerta da terapia e promoziun per ulteriuras terapias sco psicomotorica, fisio- o ergoterapia.



IL SUPPORT EQUILIBRÀ,  
CUMPLESSIV ED INDIVIDUAL  
ES CENTRAL.